

重刊道藏輯要

張三丰先生全集

漢嘉長乙山人李西月重編 張道淵子深氏敬書

閩中朱道生晚成子敬刊

姪 瑛春城

男 朱 瓚素園同校字
璜 璠 溪

斗母元尊九皇真經

祝香讚

天中斗心中斗敬斗先敬心敬心還敬斗心符七返七數合九
還九寶鼎焚香皈依斗母三沐三薰稽首頓首

道藏輯要

三丰全集 九皇真經

續畢集十

志心皈命禮

太初神后天竺聖人主宰魁罡往來印度躬居高上之境極建
大中之天統攝萬靈游行三界丹成九鼎道濟羣生大悲大願
大聖大慈一炁梵王先天神后摩利支天斗母無上元君

志心皈命禮

至真傳道太清選仙居武當而啟教為文始之正傳如癡如醉
混仙跡於麗春教孝教忠闡玄風於華夏度萬二於瀕海婿女
回升續龍虎之神通道法兼備十方寶筏三教宗師大悲大願
大慈大仁至玄至妙至奇至神東華首相三清外臣雷霆神吏
靈寶天師太和一炁始祖道通玄遠真君通微顯化天尊

志心皈命禮

玉清內相金闕選仙化身爲三教之師掌法判五雷之令黃梁
夢覺忘世上之功名寶劍光輝斬人間之妖怪四生六道有感
必孚三界十方無求不應黃鶴樓中留勝蹟紫芝洞內煉靈砂
存聖像於雲崖顯仙蹤於玉宇闡法門之香火作玄嗣之梯航
大聖大慈大仁大孝開山啟教立應祖師天雷上相靈寶真人
純陽演正警化孚佑帝君興行妙道天尊普度光圓自在文尼
真佛

開經玄蘊咒

一炁胎無極先天先地根洞虛含造化恭肅候神明月吐白毫

道藏輯要

三丰全集 九皇真經

二 續畢集十
川文

相雲歸赤色門天潢隨轉運帝輦不留停德合三元理功傳九
子靈巍巍真父母郁郁古經文至道包玄妙真人體至誠虔心
能感格萬古署長生

先天神后斗姆元尊大道九皇真經

爾時

先天道后斗姆元尊居一炁梵天斗樞宮內與周御國王斗父
天尊俱俯觀下方有一真人姓張名通道號崑陽乃係九皇第
五天禽臨凡修道於北元南明之際寄跡嶸峩福泉山虔誠禮
斗候詔飛昇斗姆慈心感動璇璣運處劃然一聲現出光明妙
相乘七豕之車一時辰內卽降真人禮斗壇中結彩雲懸寶座

而爲說此九皇真經真人稽首頓首伏拜座前
是時

斗姆告真人曰起吾語汝吾卽摩利支天萬秦陽也天皇之前
吾已出世地皇之先吾任西洲天竺國運大神通行來印度繼
見北洲鬱單越周御國王辰祭從心慈好善因往助之覓淨土
築垣闕持書戊己之宮實養金胎之室一團神氣三次超脫爲
生聖嗣九頭長曰天英是爲人皇後陞玉真仙靈二曰天任三
曰天柱四曰天心五曰天禽六曰天輔七曰天冲八曰天芮九
曰天蓬瓊林玉蕊亭亭森森是爲九子皇號九皇人皇與羣季
分治九州稱居方氏仁風灑蕩普惠羣生九皇昇舉子母同居
道藏輯要

三丰全集

九皇真經

三

續畢集十

又

元始稱吾爲先天道后以著養育九皇之德鴻鈞在手掌握斗
樞九皇上映九星九星環遶一垣吾憑一炁妙更化七元君九
辰或下世七元代運行

斗姆曰若世有修德行道之人敬問九皇所司七元所代者但
與說北斗列星其所宰皆可知也斗爲天車運於中央臨制八
表燮理陰陽建四時和五行定諸紀移節度均繫於斗一爲天
樞主陽德二爲天璇主陰刑三爲天璣主福善四爲天權主禍
惡五爲玉衡主生殺六爲開陽主百穀七爲搖光主六師八居
開陽之左名曰輔星九居搖光之右名曰弼星皆所以佐斗成
功者也

於是說大聖北斗九皇星君列號曰
大聖北斗九皇第一陽德貪狼星君
大聖北斗九皇第二陰刑巨門星君
大聖北斗九皇第三福善祿存星君
大聖北斗九皇第四殄惡文曲星君
大聖北斗九皇第五生殺廉貞星君
大聖北斗九皇第六樹穀武曲星君
大聖北斗九皇第七統師破軍星君
大聖北斗九皇第八左輔洞明星君
大聖北斗九皇第九右弼隱光星君

道藏輯要

三丰全集

九皇真經

四

續畢集十

川○文

如是星君名號燦著天文掌延生注死之籍司福善禍淫之權
天子諸侯公卿士庶一切生命均屬斗官若有善男子善女人
身遭老病種種苦趣但能悔罪消愆誠心禮斗誦此大道經訓
燃點九皇神燈照護命官自然轉禍爲福化褻爲祥所有效驗
不可具述

斗姆曰北斗之廻旋端望七元之返復其體坤中乾其性柔中
剛道闡妙中妙氣稟陽中陽秦末之年顯化西漢現身說法面
服高皇若有所福善人欲睹七元金仙大聖之儀者必先掃除
塵念清淨心源恭身頰首冥目靜觀天樂浮空之際自現金容
白露金身有若麻姑神像有若上元夫人女子英雄之氣慈悲

普救眾生但得七元君陟降於中庭諸邪皆鷄退百福自駢臻
於是說北斗七元解厄應驗咒曰

大聖北斗七元君能解一身厄

大聖北斗七元君能解二豎厄

大聖北斗七元君能解三口厄

大聖北斗七元君能解四殺厄

大聖北斗七元君能解五賊厄

大聖北斗七元君能解六淫厄

大聖北斗七元君能解七傷厄

大聖北斗七元君能解八難厄

道藏輯要

三丰全集 九皇真經

五

續畢集十

大聖北斗七元君能解九橫厄

大聖北斗七元君能解十魔厄

聖哉七元君

福及信善人

有疾皆能解

無常不敢侵

神於醫治病

應似谷傳聲

欲睹光明像

焚香候月生

斗姆曰七元返復又望九皇廻還敬七元者能使人却死延生
敬九皇者更令人成仙作佛若有善男女先禮七元高真復禮
九皇大聖其居家住宅必有甘露下降醴泉發生掬而飲之返
老還童金光罩體再於九皇位前一週供儀九載行持功成行

滿跨鶴昇空禮斗善報有如是者於是說北斗九皇應驗咒曰

大聖北斗九皇君能解一切厄

大聖北斗九皇君能解二曜厄

大聖北斗九皇君能解三災厄

大聖北斗九皇君能解四緣厄

大聖北斗九皇君能解五蘊厄

大聖北斗九皇君能解六塵厄

大聖北斗九皇君能解七殺厄

大聖北斗九皇君能解八風厄

大聖北斗九皇君能解九幽厄

道藏輯要

三丰全集 九皇真經

六

續畢集十

大聖北斗九皇君能解十纏厄

神哉九皇君 恩光遍九垓

無障無災體 不生不滅身

往來勤度世 天地普遊春

道法無邊際 祥雲護上真

斗姆重告真人曰七元九皇皆吾先天一炁相接而生一炁之
動靜陰陽晦朔晝夜昏曉皆倡率焉一氣之造化五行八卦河
洛易數皆渾括焉年月日時天干地支東西南北山川海嶽卵
胎濕化無非一炁之所在大無不包細無不入信之者生背之
者死從之者昌違之者亡三教大眾均宜知此汝本九皇第五

天禽下界不恃前因只憑現在現在能修前因可續七九功成
將臻聖境故吾說此經典名曰先天一炁九皇真經吾說汝傳
最爲親切此經在處萬靈守衛千聖稱揚三元梗概一氣相連
熟讀此經克離死生熟讀此經克悉玄因寶而傳之非人勿示
斗姆說經將畢天仙列宿來迎還於斗宮是時真人受得妙法
上對斗姆言某今誓願流行以傳善士若有男女受持讀誦我
當與斗中仙官所在擁護於是再拜斗姆而說讚曰

家有九皇經 本命降真靈

家有九皇經 父母保長生

家有九皇經 七祖皆超昇

道藏輯要

三丰全集 九皇真經

七

續畢集十
川 8 三

家有九皇經 九立亦登真

家有九皇經 諸厭化爲塵

家有九皇經 萬邪自歸正

家有九皇經 眾惡永消清

家有九皇經 十族自生榮

家有九皇經 長保亨利貞

斗姆曰善哉善哉汝可宣揚正教功德無邊接引後生同修道
果真人稽首禮謝信受奉行

先天神后斗姆元尊大道九皇真經

先天純陽氏孚佑帝君曰某昔與涵三大眾敷說瞻星禮斗章

以爲世傳斗科僅有禮拜之儀而少祕密之訣今觀

斗姆元尊與崑陽真君所說九皇經典渾三元之大道明一炁之靈通足與

太上五斗後先同揆也上士修之必能超凡入聖中士悟之亦可見性明心普願三千大千百世萬世中人皈依崇奉功德無量某今爲禮斗之士宣列科條凡習九皇真經者先要清除斗室屏息塵緣面北稽首端拱而立恍如

斗姆天容降臨在上又如千真萬聖環侍其間然後虔誠禮斗身欲其端心欲其正神欲其定意欲其慧氣欲其和聲欲其平升降有節進退有文起止有儀興伏有度先拜膺號次誦真經

道藏輯要

三丰全集 九皇真經

八

續畢集十
川文川

誦經禮畢復持斗咒二章某雖不敏竊嘗考諸道藏佛藏而知斗姆梵音有數十餘條不能使人遍持茲將藏經所載簡切靈應者與諸善士一宣揚之

斗姆心咒曰

曩謨囉怛曩多囉夜野怛你也他阿迦摩臬摩迦摩臬阿度摩
臬支鉢囉摩臬摩訶支鉢囉摩臬阿怛馱曩摩臬摩里支野摩
臬曩謨粹都帝囉乞吽囉乞吽給娑縛薩怛縛難左娑縛怛囉
娑縛娑喻鉢捺囉吠毘藥娑縛賀南無三漫多沒馱喃唵嗎哩
嗟咤娑訶

梵音便讀

南無來旦拏多來夜野旦你也拖阿迦摩徒摩迦摩徒阿度摩
徒卜不來摩徒摩訶卜不來摩徒阿旦陀拏摩徒摩利卜野摩
徒拏摩歲都帝來吉槎來吉槎牟沙鞞薩旦鞞爛左沙鞞旦來
沙鞞婆子不納來費皮藥娑鞞賀南無三漫多母駝南安麻利
卽芒娑訶

又宣揚北斗心咒曰

唵唵哪吸吸哪囉嚩哪暗坦哪吐暗哪噉哪噉哪哪唵吽吽
吽唵祇帝餘蘇吒阿若密吒鳴啞吒唵嚩吒噉嚩啼吒哪微若
吒俱囉啼吒嚩摩吒薩娑訶

梵音便讀

道藏輯要

三丰全集

九皇真經

九

續畢集十

唵勾底那及及那羅婁那昔答那止昔那拔頭那拔耶那唵吽
吽吽唵俱祇帝餘蘇渣阿惹密渣烏都吒俱耆渣波賴帝渣耶
微惹渣俱羅帝渣耆摩渣薩婆訶

純陽帝君宣述斗咒已畢真人百拜稽首而說統讚曰福泉峯
頂秋月三更長空一碧淨無塵天姆慈心感格降山亭說法臺
前仙花燦燦馨候忽到而今孚佑帝君述咒補真經大悲大願
天姆亦歡欣

先天神后摩利支菩薩斗姆無上元尊九稱

願以此功德 普及於一切

我今得受持 光華傳萬劫